

তরলীকৃত পেট্রোলিয়াম গ্যাস (এলপিজি) আমদানি, উৎপাদন, মজুদ, টার্মিনাল স্থাপন, প্ল্যান্ট নির্মাণ এবং অটোগ্যাস রিফুয়েলিং স্টেশন স্থাপন, পরিচালনা, ডিলার ও ডিস্ট্রিবিউটর নিয়োগের মাধ্যমে বিতরণ ও বিপণনের নীতিমালা, ২০১৬ (খসড়া)

তরলীকৃত পেট্রোলিয়াম গ্যাসের (এলপিজি) বহুমুখী ব্যবহার সম্প্রসারণকল্পে এলপিজি আমদানি, উৎপাদন, মজুদ, বিতরণ ও বিপণন ব্যবস্থার সাথে দেশের অর্থনীতি, ভোক্তা স্বার্থ ও অধিকার, পরিবহণ ব্যবস্থা, সামগ্রিক নিরাপত্তা ব্যবস্থা ইত্যাদি বিষয় ওতপ্রোতভাবে জড়িত। তাই এই গ্যাসের নিরাপদ, সুষ্ঠু ও প্রতিযোগিতামূলক ব্যবসা সম্প্রসারণ ও পরিচালনায় এলপিজি আমদানি, উৎপাদন, মজুদ, বিতরণ ও বিপণনকারী প্রতিষ্ঠানসমূহের জন্য প্রয়োজনীয় অবকাঠামো, আর্থিক সক্ষমতা, এলপিজি'র মান নিয়ন্ত্রণের জন্য স্পেসিফিকেশন নির্ধারণ, বিভিন্ন পর্যায়ের ক্রেতা-বিক্রেতার মধ্যে সম্পর্ক, দায়িত্ব ও সম্পাদিত চুক্তি ইত্যাদি বিষয়সমূহ সুনির্দিষ্ট করা সমীচীন বিধায় এই নীতিমালা প্রণয়ন করা হলো।

১। সংক্ষিপ্ত শিরোনাম :

১.১। ইহা “তরলীকৃত পেট্রোলিয়াম গ্যাস (এলপিজি) আমদানি, উৎপাদন, মজুদ, টার্মিনাল স্থাপন, প্ল্যান্ট নির্মাণ এবং অটোগ্যাস রিফুয়েলিং স্টেশন স্থাপন, পরিচালনা, ডিলার ও ডিস্ট্রিবিউটর নিয়োগের মাধ্যমে বিতরণ ও বিপণনের নীতিমালা, ২০১৬” নামে অভিহিত হবে।

১.২। তরলীকৃত পেট্রোলিয়াম গ্যাস (এলপিজি) আমদানি, উৎপাদন, মজুদ, টার্মিনাল স্থাপন, প্ল্যান্ট নির্মাণ এবং অটোগ্যাস রিফুয়েলিং স্টেশন স্থাপন, পরিচালনা, ডিলার ও ডিস্ট্রিবিউটর নিয়োগের মাধ্যমে বিতরণ ও বিপণনকারী কোম্পানি অথবা প্রতিষ্ঠানকে “এলপিজি বিতরণ ও বিপণনকারী” হিসেবে অভিহিত করা হবে।

২। তরলীকৃত পেট্রোলিয়াম গ্যাস (এলপিজি) আমদানি, উৎপাদন, মজুদ, টার্মিনাল স্থাপন, প্ল্যান্ট নির্মাণ এবং অটোগ্যাস রিফুয়েলিং স্টেশন স্থাপন, পরিচালনা, ডিলার ও ডিস্ট্রিবিউটর নিয়োগের মাধ্যমে বিতরণ ও বিপণন করার জন্য সরকারের প্রাথমিক অনুমোদন পদ্ধতি :

২.১। তরলীকৃত পেট্রোলিয়াম গ্যাস (এলপিজি) আমদানি, উৎপাদন, মজুদ, টার্মিনাল স্থাপন, প্ল্যান্ট নির্মাণ এবং অটোগ্যাস রিফুয়েলিং স্টেশন স্থাপন, পরিচালনা, ডিলার ও ডিস্ট্রিবিউটর নিয়োগের মাধ্যমে বিতরণ ও বিপণন করার জন্য সরকারের পূর্বানুমোদন গ্রহণ করতে হবে।

২.২। এলপিজি আমদানি ও রপ্তানির জন্য জ্বালানি ও খনিজ সম্পদ বিভাগ হতে অনাপত্তি এবং প্রয়োজ্য ক্ষেত্রে বাণিজ্য মন্ত্রণালয় হতে অনুমোদন গ্রহণ করতে হবে।

২.৩। সরকার কোন অনুমোদিত এলপিজি বিতরণ ও বিপণনকারী কোম্পানিকে তাদের আবেদনের পরিপ্রেক্ষিতে বোতলজাত এলপিজি বা বাস্ক আকারে এলপিজি বিদেশে রপ্তানি করার অনাপত্তি প্রদান করবে।

২.৪। সরকার অনুমোদিত স্পেসিফিকেশন অনুযায়ী এলপিজি আমদানি করতঃ দেশে বিতরণ ও বিপণন করতে হবে।

২.৫। সরকার কর্তৃক অনুমোদিত এক বা একাধিক কোম্পানি অথবা প্রতিষ্ঠানকে তরলীকৃত পেট্রোলিয়াম গ্যাস (এলপিজি) আমদানি, উৎপাদন, মজুদ, টার্মিনাল স্থাপন, প্ল্যান্ট নির্মাণ এবং অটোগ্যাস রিফুয়েলিং স্টেশন স্থাপন, পরিচালনা, ডিলার ও ডিস্ট্রিবিউটর নিয়োগের মাধ্যমে বিতরণ ও বিপণন করার জন্য সমগ্র বাংলাদেশ বা কোন বিশেষ অঞ্চল নির্ধারণ করে দিতে পারবে।

চলমান পাতা-২